

34-6-1-18-

21  
188

DE CHRISTI  
DOMINI  
CRUCIATIBVS  
ORATIO


*DIE PARASCEVES*

IN SACELLO PONT. VATICANO

A D S. D. N.

INNOCENTIVM X.

Habita à Thoma Antonello è Soc. Iesu.



ROMAE, Typis Hæredum Corbellæti. 1647.

*Superiorum Permissu.*

*J. M. C.*

DE CHRISTI

ROMANI

GRACIAS

ORATIO

DE PARACLETIS

IN SACELLO PONT. VATICANO

A D S D N

INNOCENTIVM X

Habitus Thomae Aquinensis & Societatis



OMAE, Typis Hereditum Corp. 1847

Reverendissimi

EMINENTISSIMO  
PRINCIPI

IO. CAROLO

S. R. E.

CARDINALI  
MEDICES.

THOMAS ANTONELLVS FEL.



Regium est, geminare beneficia, Princeps Eminentissime. Quam excepisti orationem hanc meam Diuino super Funere illacrymantem æquis auditor, libentibus etiam oculis leges. Amabat illa quidem

A 2 tene.

tenebras suas, ac, ne prodiret in So-  
lem, Sol ipse Deo moriente obdu-  
ctus umbris admonebat. Egreditur  
tamen amicorum, qui meas nugas,  
quod amor solet, aliquid aestimaue-  
re, propè conuicijs inuitata, sed  
tristis, tum ob argumentum sapif-  
simè ab acerrimis versatum inge-  
nijs, in quo noui quidpiam excude-  
re, difficillimum sit, tum ob erudi-  
tum hoc delicatissimi fastidij Sæcu-  
lum, cui vel exquisitiora non sa-  
piunt. Vnicum sua in mœstitudi-  
ne solatium habet, quod Tuam  
Purpuram veneratur, atque omni-  
bus Hetruriæ Principibus, quo-  
rum in me promerita præclara sunt,  
animi deuoti iam pridem obsequiū  
in Te vno iterū sistit, ac litat.  
Vale.

ORA-



# ORATIO.



N Cælestis Occasû Re-  
gis, quando Sol, & sy-  
dera offusis Mundo te-  
nebris expallescent ;  
modulatusq. Orbium  
côcentus abruptus,  
Te quoque B.P. Solem  
terræ nubilum in Pur-  
pura cum Syderibus  
tuis atratis plorare decet. Nimirum opportu-  
nior Diuino Funeriharmonia lacrymarum est.  
Seriem ego Parricidij longè immanissimi citrà  
eloquentiam indicabo ; neque enim dolor fu-  
cum amat.

Ergo post Epulum Augustissimum ab Amore  
Conuiuij Principe institutū ea nocte, quæ mor-  
talibus velut Aurora præluxit immortalitatis,  
itur in Getsemani Villam ad aucupium ne di-  
cam, an ad venationem poenarum ? Neq. verò  
indagandæ fuere diutius. Pauor, moestitudo,

ex obiectâ cruciatuum scena, plurimaq. mortis  
 imagine consternatio sese obtulere. Excurrunt  
 hæc, atque illâc intrâ Orantis cor affectiones  
 coniunctæ: fortitudo Heroica maior, nostræq.  
 genâ inbeccillitatis vnâ secû dimicant elan-  
 destino certamine: riget modò, modò effundi  
 nò timidus exæstuat sanguis, tandemq. laxatis  
 venarum obicibus apertum tamquam ad præ-  
 lium erumpit. ~~Inter~~ <sup>Inter</sup>quero? Amantissimus Pa-  
 ter, qui nuper Cælestium in mensâ Charitum  
 ad filiorum delicias lactescebat, mille nunc toto  
 corpore expromit vbera non lacte distenta, sed  
 sanguine? Adeste Generis Humani Parentesne,  
 an Parricidæ? & quam in Voluptatis Hor-  
 to ambitiosius Diuinitatem exoptastis, in hoc  
 Dolorum. Viridario ad hæc Vbera fugite. Vos  
 etiam purpureis hisce imbribus irrigatæ Pacis  
 Arbores in Olearum Montefeliciter adolescite,  
 venturis quoque sæculis profuturæ, vestris enim  
 è truncis, vt omine cum bono præfagit animus,  
 Oleam auellet suam. Innocens Columba Vati-  
 cano olim in Colle regnatura. Sed interim ad  
 pretiosam hanc tempestatem amoris deuolat è  
 cælo Gabriel, additisque calcaribus currenti  
 ærumnarum in stadio, aliquod hinc Iustitiæ  
 Vindici defert libamentum, vt quàm lautissi-  
 mē paulò post morte ipsâ nostri Liberatoris e-  
 puletur. Tu quoq. fœdissime Desertor, sangui-  
 nem, quem precariò vendidisti, audes delibare,  
 cum genis illis cruento sudore aspersis labra  
 per

per summam impudentiam admoues? Neque  
 tamen exuis inhumanitatem, sed osculo ad  
 beneuolentiā composito proditionis plusquam  
 barbaræ diluis aconita. In annulo cordium,  
 amantium nexu gestatum à nonnullis vene-  
 num scio, tu fraudum architectus ingeniosior  
 gestas in osculo, ac te scilicet magistro nocen-  
 tiora oculis oscula nouo crudelitatis machina-  
 mento fascinare didicerunt. Verùm dolosa,  
 hæc fascinatio è speculo Diuini vultus redibit in  
 Artificis viscera mox plaudentibus Inferis dis-  
 rumpenda. Osculo bellicum canitur: statimq.  
 lymphati Prædones cum facibus, & armis pro-  
 perauere. Quamquam nec facibus, nec armis  
 est opus, vbi Charitatis in meridie tenendus est  
 Agnus. Vinculis manu Furiarum intextis con-  
 stringitur veluti sicariorum antesignanus Ma-  
 iestatis Deus, qui eo vocis tonitru, quo afflixit *Psal. 28.*  
 humi cohortem, dissoluere innexam rerum,  
 vniuersitatis compagem potuisset: per saxa, per  
 vepres raptatur, cui astra cælo refixa certatim  
 substernerent se: vrgetur, proculcatur, atte-  
 ritur nunc planè, si vnquam, Flos Campi. *Cant. 1.*  
 Vt nam phanaticæ bellæ attriti huiusce Floris  
 odore sapèrent, ac mitescerent. Me miserum:  
 infantiunt atrocius, debacchanturque in Vrbe;  
 quàm in agro sæuiore procella. Calumnijs apud  
 Iniquitatem appetitur, conuicijs proscinditur  
 amarissimis illis quidem, nisi victrix innocen-  
 tia taciturnitate condiret, manu bis ferrea de-  
 palmatur à Milite: ad quem alape sonitum.  
 con-

S. Ephr.  
de Pass.  
Domini.

contremuisse cælum; ac Seraphim tubiti hor-  
rore facinoris alas tollisse visa sunt. Quin tu  
quoque dexteram armas, ò Pater? Quin ful-  
men exeris, & in vilissimum caput restitutæ so-  
lùm auris beneficio nobile intorques? Intorsis-  
set, opinor; sed, vt honoris inglorij leges ex-  
pungeret, docere mortales voluit, alapis repo-  
nenda non esse vulnera, nec manus impressæ  
notas superfuso imprimientis cruore delendas.  
Iam verò quæ lacrymæ quantumvis disertæ re-  
liquas noctis eius nefastæ Tragædias perse-  
quantur? Ementita Veritas, profana Sancti-  
tas, delira Sapientia conclamatur. Diuinorum  
sydera oculorum impurissimi tenebriones ob-  
nubunt; negotioso Informis ludibrio traducunt  
vigilata sceleribus onta, vellicant, iactant, quasi  
pilam agunt; Vultum illum humanæ salutis  
Aram, cò quisque beatior, quò crudelior, impa-  
ctis ad impiam voluptatem colaphis tangunt,  
& in necem Seruatoris iurant. Saltem ipsi  
quoque Petrum æmularentur, qui, profuso iam  
in lacrymas corde, Magistrum, in quem peie-  
rauit, adorat. Ità pernoctatum est. Diluxit  
aliquando tandem. Sed mōstrosa nox quid  
aliud pareret nisi monstrum lucis, hoc est ca-  
lamitosissimum diem? Nempè qui Deum vi-  
deret vtrò, citròque sui ad Emporia sanguinis  
commèantem, albo stultitiæ pallio à Rege  
purpura indignò, atque ob intemperantiam  
vecordi ludificatum, teterrimo posthabitu  
Grassatori, à Præside, vt integritati patrocine-  
tur,



tur, damnatum nouis misericordiae legibus ad  
 sustinendum, & laniendam. Hic enim uerò de  
 corporis tenerrimi excidio horret animus recor-  
 dari. Nudus, qui vestit agri lilia, liliū ipse  
 pulcherrimum, deuincitur ad ferale saxum, ac  
 prima tela spectantium ab oculis excipit vere-  
 cundia vulnerata, quæ morum ocellus est.  
 Virgatores exiliunt alacres, & tamquam vrbe  
 capta venas diripiunt aurine dicam, an sangui-  
 nis? Discindunt Regales humeros, brachia  
 pectusque dilacerant, depopulantur viscera,  
 tantum cor non expilant Ærarium vitæ.  
 Ah! parcite, atque isto, qui vestra etiam  
 ad labra emicat, cruore molescite. Bis, me-  
 mini, Duxor olim Israëliticus percussit petram  
 gemino potius verbo, quàm verberes quid vos  
 millenos ictus, millena fulmina repetitis? Iam  
 torrentes inundant. Neque corpus istud mar-  
 moreum, aut æneum est, nisi fortè ob constan-  
 tiam animæ magnæ. Proscidistis Virgineum  
 agrum; iterari, tertiariuè non oportet; abun-  
 dè iacta sunt in eo semina felicitatis humanæ.  
 Hec vota, heu preces irritas. Ferocia, uti cor-  
 de ad amandum caret, sic aures non habet ad  
 clementiam addiscendam. Adhuc Lorarij va-  
 lentissimi laniato in corpore, quod vnica plaga  
 totum est, vulnera ipsa discerperent, nisi No-  
 bilis Miles, ut diuinitus ostensum legimus in  
 Sanctorum Historijs, vincula, quibus ad Co-  
 lumnæ alligabatur miserabilis Victima, obiur-  
 gatis minaci supercilio barbaris Lanionibus,  
 gla-

Mar. 6.  
 Cant. 2.

Nam. 36  
 Psal. 77.

Rust. 3.  
 Vergat.  
 1. 4. 1. 1. 1.

gladio discidisset. Pro quō, ut equidem reor, gladio in præmium tam opportuni beneficij à suo Ciue (illum quippè Romanum perhibent) lacerum in Deum collati Roma hæc tua, Pater Beatissime, Cæli Clauēs accepit. Quamquam à Corona etiam Spinea illustre hoc in Stellas / Imperium fuisse propagatum existimos, ut prop-  
*Apot. 6.*  
*61.* terea Lynceus ille Diuinitatis Inspector Eccle-  
 siam, cuius est Roma adoratum populis caput, Syderibus viderit coronatam. At ea sydera quanti steterē! Asperrimum sentibus aculeatis dumetum Diuino Capiti insertum est, ex quo cruenta nimium fecunditate coronaria Sydera germinarunt. Quid? Eidem Augustæ Sacrorum ioculari etiam purpura chlamydem Sole contextam emit, arundine mortalis in-  
 constantiæ tessera perenne sceptrum, Cruce Lunam nullis defecturam temporibus Regali pro folio. Vesaniis adeò clamoribus, præten-  
 taque Cæsaris indignatione Actores truculen-  
 tissimi formidoloso ab Iudice in Autorem vitæ sententiam necis extorquent. Libet exclamare: O decreta Sapientum, ò scita populo-  
 rum. Te appello terrarum moderatrix Astræa:  
*9/Jul. 61.* Viden', quā verè Vates ille cecinerit, libran-  
 dis rerum ponderibus falli Mortales? Romani Prætoris in trutina pretiosior Deo Tiberius est. Dicam amplius: Regi Regum, ne obeat inte-  
 gra nominis fama, plectendum additur par La-  
 tronum. Itaque superato Caluariae Monte  
 Gigas

Gigas amoris bellum indicturus Vmbrarū Ty-  
 ranno funestam in Arborem tollitur, clauisque  
 confixus vnā secum ipse nostræ fortunæ solertis-  
 simus faber corda hominum figit, perituris vt  
 emortua cupiditatibus viuant Æternitati. Af-  
 fusus circum spectaculo Saminionum grex illu-  
 dit, exsibilat, alteram, ac tertiam agit in Cru-  
 cem, cum hortatur, vt de Cruce descendat,  
 onerat probris nunquam exsaturandum; sel-  
 Draconum aceto rupium domitore dilutum, Dracones  
et 34  
 fitienti propinat. O auarā nimis Imperatori  
 suo flumina, fontes, nubila, cum ipse interim  
 profusissima liberalitate Adamo inibi sepulto  
 sanguinem è vulneribus irrorat, vt iterum efflo-  
 rescat ad vitam; intersectoribus veniam, ne  
 terra sponte dehiscens tam dira capita absor-  
 beat, indumenta Militibus, opima videlicet spo-  
 lia beatæ paupertatis, propugnatori Diuinita-  
 tis Latroni cælum, Discipulo Virginem Paren-  
 tem, hoc est amores suos, tori Mundo Spi-  
 ritum, ac sese dilargitur, inclinato etiam capite,  
 veluti supplex, vt quem nascentem haud agno-  
 uit, saltem excipiat morientem. Et excepit  
 ille quidem, vniuersaque in vltionem armata  
 Natura, frementium calculis elementorum,  
 ipso Astrorū quasi vocalibus tenebris annuente  
 Senatu Parricidas damnauit. Longino solum  
 pepercit, quod naufragis humanas inter pro-  
 cellas tutissimum aperuerit portum in eo Late-  
 re, ex quo, vt cum Prospero loquar, Columba  
 Ecclesia tanto sanguine dotata processit. Ego  
 quo-

Par. 1. de  
 Promiss. 2.  
 Præd. 2.  
 D. 2.

quoque fortunato Militi habeo gratias, quod  
 iterum fecerit Deum sua sub hasta venalem.  
 Nullum est, si quod tamen est, Dei pretium, nisi  
 amor. Tu interea, benignissime Domine, se-  
 pulcrum tuum in lapide excisum patieris, ma-  
 gnetem esse nostri Amoris, ut vel istic rerum  
 fluxarum immemor agat excubias, vel, si  
 dederis, tecum occumbere, quod ma-  
 lim, tecum una tumuletur au-  
 rea postmodum æui me-  
 lioris immorta-  
 litate do-  
 nan-  
 dus.

